



Sarajevo, 05.07.2022. godine  
Broj: 06-06-2-630-2/22

Vanjskotrgovinska komora Bosne i Hercegovine i EU4TRADE projekat  
Vas pozivaju na radionicu:

### „Usluge i trgovina uslugama“

koja će biti održana:

- 13.07.2022. godine u prostorijama Vanjskotrgovinske komore Bosne i Hercegovine, u Sarajevu
- 19.07.2022. godine u hotelu Mostar, u Mostaru

Poštovani,

Pozivamo vas da učestvujete u trening radionici o ulozi usluga u ekonomskom razvoju, trgovini uslugama i međunarodnoj regulativi u okviru WTO, CEFTA 2006 i EU Acquis. Radionicu organiziraju EU4Trade projekat i Vanjskotrgovinska komora Bosne i Hercegovine u saradnji sa Federalnim ministarstvom za energetiku, rudarstvo i industriju i Federalnim ministarstvom za preduzetništvo i obrt.

Usluge općenito, a trgovina uslugama posebno, imaju sve značajniju ulogu u osiguravanju ekonomskog rasta i održivog ekonomskog razvoja, kroz stvaranje mogućnosti za veće dohotke, produktivnost, zapošljavanje, investicije i trgovinu. Efikasne usluge su od ključnog značaja za funkcionisanje moderne ekonomije u cjelini, kroz svoj doprinos produktivnosti i poljoprivrednog i industrijskog sektora. Nudeći nove mogućnosti pristupa tržištu i omogućavajući nabavku kvalitetnijih proizvoda, usluge se također pojavljuju kao novi pokretač međunarodne trgovine za zemlje u razvoju i tranzicijske zemlje. Danas je sektor usluga najznačajniji sektor u svjetskoj privredi – sektor usluga dominira u globalnoj proizvodnji, dodatoj vrijednosti i zaposlenosti, uz rastuću ulogu u međunarodnoj trgovini, investicijama i globalnim lancima vrijednosti. Trgovina uslugama postala je najdinamičniji segment međunarodne trgovine koji raste brže nego trgovina robom, ubrzano mijenjajući ustaljene globalne trgovinske obrasce.

U Bosni i Hercegovini uslužni sektor je najveći sektor ekonomije koji stvara preko 65% dodate vrijednosti, zapošljava oko 50% radne snage, privlači 65% stranih direktnih investicija i stvara suficit u vanjskoj trgovini. Međutim, maksimiziranje pozitivnog doprinosa usluga zahtijeva adekvatne propise i politike, te jake institucije sposobne da stvore povoljno okruženje za razvoj sektora usluga i trgovinu uslugama.

Učešće na radionici je besplatno.

Svi učesnici koji žele pohađati radionicu u Sarajevu, prijavu mogu izvršiti ispunjavanjem [online prijavnog obrasca \(radionica u Sarajevu\)](#) najkasnije 12.07.2022. do 12:00, a za one koji žele pohađati radionicu u Mostaru potrebno je da ispune [online prijavni obrazac \(radionica u Mostaru\)](#) najkasnije 15.07.2022. godine do 16:00. Broj mjesta je ograničen. U prilogu se nalazi program radionica.

Za sve dodatne informacije možete se obratiti na telefon: 033/566-201 i 033/566-200.

Dr.sc. Elma Kovačević Bađal,  
Direktor Instituta za edukaciju



**Program radionice:**

9:15 - 9:30	Registracija	
9:30 - 9:45	Uvodna obraćanja	Melisa Gazdić, EPRD, direktor projekta Dr. sci. Elma Kovačević - Bajtal, direktorica Instituta za edukaciju, Vanjskotrgovinska komora BiH
9:45 - 10:30	Uloga usluga i trgovine uslugama u ekonomskom razvoju Bosne i Hercegovine	Prof. dr. Snježana Brkić, ekspert, Ekonomski fakultet Univerziteta u Sarajevu
10:30 - 11:15	Međunarodni zakonodavni okvir za trgovinu uslugama u Bosni i Hercegovini (GATS, CEFTA i EU Services Directive)	Andras Lakatos, ekspert, voditelj tima EU4Trade
11:15 - 11:30	Pitanja i odgovori	
11:30 - 11:45	Pauza za kafu	
11:45 - 12:15	CEFTA Dodatni protokol 6: Nove mogućnosti za pristup tržištu za BiH uslužne kompanije	Mr.sci. Zada Muminović, šef Odjela za trgovinske odnose sa evropskim integracijama, Ministarstvo vanjske trgovine i ekonomskih odnosa BiH
12:15 - 13:00	Ograničenja za izvoz BiH usluga	<u>Govornici u Sarajevu:</u> - Tadej Mateljan, COMP-2000 (IKT) - Sead Krupalija, BH Passport (turizam) - Saudin Parić, CENTROTRANS (turizam) <u>Govornici u Mostaru:</u> - predstavnik firme Avacom (IKT) - Mili Bijavica, Fortuna Tours DMC (turizam) - Dragan Marić, EUROPART (transport)
13:00 - 14:00	Ručak	
14:00 - 14:30	Diskusija učesnika o njihovim potrebama sa ciljem unaprijeđenja njihovih poslovnih aktivnosti	
14:30 - 14:45	Promocija izvoza za uslužne kompanije i usluge Vanjskotrgovinske komore Bosne i Hercegovine	Amir Hujčić, BHEPA, Vanjskotrgovinska komora BiH
14.45 - 15:00	Zaključna razmatranja	Melisa Gazdić, EPRD, direktor projekta

Moderator: Prof. dr. Snježana Brkić